



REPÚBLICA DEMOCRÁTICA DE TIMOR - LESTE
SECRETARIA DE ESTADO DA FORMAÇÃO PROFISIONAL E EMPREGO
Direcção Nacional de Informação Mercado Trabalho
Rua: Palácio das Cinzas, Dili, Timor-Leste

Imajen Jerál Merkadu Traballu Timor-Leste


Edisaun 8, Novembru 2018

1. Situasaun makroekonómika

Timor-Leste nia kreximentu PIB (Produtu Internu Bruto) la'ós-petrolíferu nian ne'ebé tuun, hamutuk ho taxa importasaun bens no servisu ne'ebé aas, kontribui ba kontinuidade dezempregu iha Timor-Leste. Dependénsia maka'as ba importasaun no ba reseita minarai no gás refleta utilizasaun forsa traballu ne'ebé ki'ik iha setór produtivu sira seluk.

Kreximentu iha PIB La'ós-Petrolíferu nian


Dependénsia ne'ebé menus ba PIB Minarai nian ne'e iha poténsia atu absorve barakliu hosi forsa traballu ne'ebé dispinível bá-ihā empregu. Setór produtivu sira hanesan agrikultura, turizmu no indústria manufatura sira mak setór hirak ne'ebé ho karakterística intensivu traballu nian ne'ebé bele hamosu empregu. Aleinde tuun iha 2017 no projesaun sae oituan iha 2018, PIB La'ós-Petrolíferu iha tinan hirak liu ba mantein nia pozisaun no la sae signifikamente. Dadus série-temporál nian hatudu katak mudansa persentajen anuál PIB La'ós-Petrolíferu nian hosi tinan 2014-2019 (projesaun tinan 2018 no 2019) atinji ona ninia pontu-altu PIB La'ós-Petrolíferu iha tinan 2016 iha 5.3% no tuun ba zero nia-okos (-1.8%) iha tinan-2017. Persentajen ida-ne'e, maski nune'e, projeta atu aumenta iha tinan-2018 no tinan-2019, ida-idak ba pursentu 2.2% no 4.2%. Apezarde kreximentu ne'ebé projeta hosi tinan-2018 bá-oin ba 4.2% iha tinan-2019, ida-ne'e seidauk suficiente atu garanti kreximentu empregu. Importante atu nota katak tuun iha tinan-2017 dalaruma akontese ona tanba governu nia dependénsia ba gastu orsamentu *duo-désimu* duké orsamentu estadu normál nian iha tinan-hanesan.



Fonte: Relatório Ekonómiku Banku Mundial nian, Marsu 2018

Balansu Komérsiu

Timor-Leste importa bens no servisu barak liu duké nia esporta, ho défise komérsiu ne'ebé konsistente hosi tinan-2014 to'o tinan-2019 (inklui projesaun ba tinan 2018-2019). Kuandu bens no servisu ne'e importa envesde prodúz lokalmente, entaun akontese partisipasaun forsa traballu ne'ebé tuun.



Iha tinan-2016, importasaun (millaun USD559) mak dala 28 bootliu duké esportasaun (millaun USD 20)¹.

Nu'udar relata iha ami-nia boletín fulan Fevereiru 2018 nian, sei iha nafatin poténsia konsiderável ba substituisaun importasaun maizumenus millaun USD90² hosi importasaun ba Timor-Leste mak produtu aihan. Aumentu produsaun agrícola no ortícola bele hamenus importasaun no kria empregu, liului iha área rurál sira.

2. Ambiente empregu

Demografia no forsa traballu

Iha períodu tinan-lima nia-laran, hosi tinan 2016 to'o 2021, iha estimativa katak ema na'in-157,072 sei hola parte iha populasaun idade servisu nian iha Timor-Leste. Kada tinan iha estimativa katak ema na'in-31,000 sei tama iha grupu idade servisu nian. Ho taxa partisipasaun forsa traballu maizumenus 56.1%³ iha tinan-2016, ida-ne'e sei signifika maizumenus iha ingresu foun na'in-17,391 ba merkadu

¹ Dadus tinan-2017 nian la disponível.

² IMF nia Artigu IV 2017.

³ Timor-Leste nia Sensu 2015: Taxa Partisipasaun Forsa Traballu.

traballu kada tinan⁴. Maski nune'e, bele nota katak númeru ida-ne'e bele muda kada tinan tanba taxa partisipasaun traballu ne'e flutuante.

Grupu Idade	Totál	Mane	Feto
0-4	167,185	87789	79,396
5-9	160,616	84594	76,022
10-14	157,072	81412	75,660
15-19	140,876	72025	68,851
20-24	110,814	54777	56,037
25-29	94,566	46003	48,563
30-34	76,302	37635	38,667
35-39	50,624	24931	25,693
40-44	54,043	27893	26,150
45-49	49,321	26042	23,279
50-54	36,891	19464	17,427
55-59	31,912	16425	15,487
60-64	28,773	14097	14,676
65-69	22,715	11272	11,443
70-74	18,428	9085	9,343
75-79	11,206	5500	5,706
80+	9,789	4486	5,303

Fonte: Sensu 2015 (*projesaun populasaun tinan-2016*)

Iha tinan-2017, iha estimativa katak kria ona servisu foun 4,000⁵. Enkuantu ida-ne'e aumentu 100% hosi tinan-2016 wainhira iha de'it maizumenus servisu foun 2,000 mak kria ona, sei iha nafatin ema na'in-27,000 mak laiha oportunidade empregu.

Populasaun empregada

Dadus Sensu 2015 nian hatudu númeru altu populasaun (64.2%) ne'ebé servisu iha setór Agrícola auto-empregu nian⁶. Grupu empregadu daruak ne'ebé boot liu mak hirak ne'ebé hetan servisu hosi governu, (13.5%). Ho definisaun foun kona-ba forsa traballu ne'ebé agora appropriadu, agrikultór subsisténsia sira la inklui tan ona hanesan "empregadu"⁷, no ne'eduni governu emprega persentajen partisipasaun forsa traballu ne'ebé aas liu iha Timor-Leste. Gráfiku iha kraik ne'e mós hatudu katak Empreza Pública (3.4%) no Empreza Privada ka Setór Agrícola (4.8%) reprezenta menus hosi 10% hosi populasaun forsa traballu.


Gráfiku ne'e mós reforsa poténsia substituisaun importasaun ba produtu agrícola sira, ho númeru boot hosi ema ne'ebé servisu iha setór agrícola.

⁴ Timor-Leste nia Sensu 2015 – *projesaun demografia populasaun tinan-2016*.

⁵Empreza no Survei Abilidade 2017, SEFOPE.

⁶Sensu 2015: Idade tinan-20 no liu.


⁷Agrikultór auto-empregu no la'os-agrikultór Auto-Empregu iha setór informál empregu nian. Tuir definisaun foun hosi forsa traballu, agrikultór subsisténsia la inklui ona hanesan "empregadu".



Fonte: Sensu Timor-Leste 2015

Atividade ekonómika atu apoia emprego

Dadus hosi rejistru SERVE.IP⁸ fornese informasaun no tendénsia kona-ba atividade ekonómika emergente iha Timor-Leste. Hodí kategoriza rejistru sira tuir área atividade ekonómica, ida-ne'e posível atu identifika demanda emprego potensiál iha setór espesífiku sira. Hosi fulan Janeiru to'o Juñu 2018, número totál empreza foun ne'ebé rejista iha SERVE.IP mak 1,594 iha setór hotu-hotu. Inklui iha totál ne'e mak empreza hirak ne'ebé envolve la'os atividade ekonómica ida de'it. Gráfiku iha-kraik ne'e hatudu distribuisaun empreza ba setór emprego sira.



Fonte: SERVE.IP, Jan-Jun 2018

⁸ Serviço de Registo e Verificação Empresarial, Instituto Públíco.

Setór ho nível atividade ekonómika foun ne'ebé aas liu (41.5%) mak komérsiu grossu (fa'an-boron) no retallu. Negósiu hirak ne'ebé rejista tuir komérsiu grossu no retallu ne'e inklui kioske ki'ik sira, loja konveniénsia no supermerkadu sira. Nível empreza foun daruak ne'ebé aas liuhotu mak konstrusaun (16.3%). Rejistru tuirmai ne'ebé aas liuhotu mak iha alojamentu no atividade servisu alimentasaun no manufatura, ne'ebé ida-idak ho 8.4% no 8.1%. Transporte no Armazenajen ne'e komposta 7.4%. Atividade ekonómica ne'ebé mantein nafatin ne'e reprezenta maizumenus 3% hosi rejistru foun sira.

Dadus ne'e mós klasifika tuir nasionalidade makna'in hosi kada empreza. Ida-ne'e hatudu katak iha estimativa 88% hosi empreza hirak ne'ebé rejista iha SERVE.IP hosi fulan Janeiru to'o Juñu 2018 ne'e ema-lokál sira enkuantu 18% hosi makna'in sira ne'e la'os ema Timór.

Kompeténsia empregabilidade


Respondente sira ba *Peskiza Empreza no Abilidade 2007* nian informa kona-baabilidade ne'ebé kuaze atu menus iha sira-nia funzionáriu atuál sira. Abilidade ne'ebé dalabarak liu identifika ona makabilidade jenérika ka "soft/servisu-kmaan" nian ne'ebé empregadór sira normalmente valoriza aleindeabilidade téknika. Abilidade jenérika hirak-ne'e mak sai aspetu importante hosi empregabilidade. Prevé possibilidade dadus hosi peskiza ne'e sujere katak 20% hosi empregadór sira fiar katak sira-nia funzionáriu sira menus duniabilidade iha komunikasaun orál, tuirkedas ho ekipa-traballu ho totál 18.10% no funzionáriu sira menus iha responsabilidade jestau/foti lideransa ne'ebé kompostu 10.40%.

Limitasaun Servisu-Kmaan hosi Funzionáriu sira	%
Komunikasaun orál	20.10%
Servisu-ekipa	18.10%
Responsabilidade jestau/foti lideransa	10.40%
Foti iniciativa	9.20%
Atende cliente	8.40%
Alfabetizasaun	7.00%
Destreza manuál	5.60%
Numerasia	5.10%
Komunikasaun eskrita	2.60%
Ko'alía iha públiku/instrusaun/formasaun	2.40%
Alfabetizasaun TI/uza TI	1.20%
Hatene língua estranjeira	0.60%
Tarefa administrativa	0.40%
Planeia no organiza	0.30%
Seluk	8.50%

Fonte: *Peskiza Empreza no Abilidade 2017*.

Apoi hodi buka servisu

SIMU-Web mak sistema baze-dadus ida ne'ebé Diresaun Nasional Empregu uza atu rejista ema hirak ne'ebé buka servisu no hirak ne'ebé hetan ona servisu. Dadus tinan-2017 nian hatudu totál 2,135 ne'ebé rejista, enkuantu iha de'it makbuka-servisu rejistadu na'in-182 mak hetan ona servisu no na'in-1,953 ne'ebé rejista nu'udar makbuka-servisu ne'e lahetan servisu liuhosi SIMU-Web. Iha fulan Outubru 2018, iha de'it makbuka-servisu rejistadu na'in-30 ne'ebé hetan ona servisu fora hosi na'in-3,488 tuir prosedimentu ne'ebé rejista hosi sistema. Iha tinan-2017, 8.5% hosi makbuka-servisu rejistadu sira ne'e hetan ona servisu.



Fonte: SIMU-Web, SEFOPE 2017 & 2018

Iha tinan-2018 número makbuka-servisu ne'ebé rejista ba SIMU-Web ne'e aumenta kuaze dobru. Ida-ne'e hanesan ne'e ona tanba aumentu promosaun programa servisu esteriór sira iha Austrália no Koreia Súl iha metade-dahuluk hosi tinan ne'e.

Apoi hodi prenxe vaga servisu


Liuhosi kolaborasaun entre SEFOPE no empreza balu, vaga sira rejista iha SIMU-Web hodi tarjeta estudante hirak ne'ebé gradua hosi sentru formasaun sira no mós makbuka-servisu sira seluk. Totál vaga ne'ebé rejista iha tinan-2018 mak 28 no Hetan-Servisu mak 23. Iha tinan-2017, vaga 101 ne'e rejista, enkuantu Hetan-Servisu mak 182. Hetan-Servisu ne'ebé rejista ne'e aas liu duké número vaga sira, tanba vaga balu eziye barakliu duké inkumbente ida. Ida-ne'e importante atu nota katak vaga sira iha tinan-2018 ne'e tuun liu duké hirak ne'ebé iha tinan-2017. Jeralmente, tinan-2017 no 2018 ne'ebé tau-hamutuk número vaga sira ne'e sei tuun maka'as kompara ho hirak ne'ebé buka servisu.

Traballadór estranjeiru iha Timor-Leste

Hosi fulan Janeiru to'o Juñu 2018 iha totál traballadór estranjeiru na'in-896 hosi NASAUN diferente 28 ne'ebé servisu iha Timor-Leste⁹. Tabela tuirmai ne'e hatudu NASAUN sira ho traballadór estranjeiru ne'ebé barakliu iha Timor-Leste (esklui diplomata no funsionáriu ONU sira). NASAUN sira iha nasionalidade estranjeira 10-primeiru ne'e barakliu mak hosi Ázia, aleinde Portugál no Austrália. To'o 41% (368) hosi traballadór estranjeiru sira mak hosi Xina. Ida-ne'e bele hanesan ne'e ona tanba aumentu investimento negósiu hosi Xina iha konstrusaun no komérsiu grossu no retallu. Número daruak ne'ebé boot liuhotu hosi traballadór sira mak maihosí Indonézia ho traballadór maizumenus

⁹ Inspeção Geral do Trabalho (IGT), SEFOPE 2018.

na'in-148 (17%), tuirkedas hosi Filipina ho traballadór maizumenu na'in-128 (14%). Nasaun sira seluk hanesan Bangladexe, Malázia, Vietname, Portugál, Índia, Austrália, no Nepál fornese traballadór estranjeiru menus hosi 10%.




Fonte: IGT, SEFOPE 2018.

Favór nota katak dadus iha-leten ne'e reprezenta traballadór hirak ne'ebé rejista iha SEFOPE no la inklui traballadór ilegál sira.

Okupasaun hosi Traballadór Estranjeiru

Hosi konjuntu dadus ne'ebé hanesan, informasaun ne'e rezumi atu identifika okupasaun hirak ne'ebé prenxe hosi traballadór estranjeiru sira.


Gráfiku tuirmai ne'e hatudu okupasaun 10-primeiru ne'ebé prenxe hosi traballadór estranjeiru sira. Rezultadu ida-ne'e valida hosi peskiza (inklui *Peskiza Empreza no Abilidade*) no dadus administrativu ne'ebé hatudu katak kargu jerensiál barakliu mak prenxe hosi ema estranjeiru sira. Traballadór estranjeiru na'in-19% fora hosi 896 mak sai jerente, tuirkedas jerente operasionál, no traballadór 11% mak iha kargu financeiru nian. Kuaze okupasaun bázika balu hanesan alvenaria/badaen (6%) no administrasaun (4%) mós okupa hosi traballadór estranjeiru sira.



Fonte: IGT, SEFOPE 2018


Programa Traballadór Sazonál Australianu

Bazeia ba akordu formál ida iha tinan-2011 entre governu Austrália no governu Timor-Leste, Timor-Leste haruka traballadór sira ba Austrália durante prazu to'o fulan neen hanesan traballadór sazonál iha ospitalidade no ortikultura. Hahú hosi loron 31 Outubru 2018, iha ona totál traballadór sazonál na'in-2,545 mak haruka ba Austrália dézde tinan-2012. Númeru traballadór sazonál sira aumenta ona esponencialmente kada tinan, ho traballadór na'in-1,126 ne'ebé mobiliza ba Austrália entre loron 1 Janeiru no 31 Outubru 2018.



Kuaze traballadór Timor-oan barak iha Programa Traballadór Sazonál (90%) ne'e emprega iha ortikultura kompara ho ospitalidade (10%). Hosi númeru totál traballadór sazonál Timor-oan sira, 64% mak mane sira ne'ebé servisu ona iha ortikultura no 6% ne'e feto sira ne'ebé servisu ona iha ospitalidade. Totál 26% ne'e mak feto sira ne'ebé servisu ona iha ortikultura, no 4% mak feto sira ne'ebé servisu ona iha ospitalidade.

Traballador Seasonal: Fila ona vs. Sei iha Australia (Ate Outubru 2018)




Fonte: SEFOPE 2018

Gráfiku iha-leten ne'e hatudu traballadór sazonál sira ne'ebé filafali ona mai Timor-Leste no hirak ne'ebé sei hala'o hela servisu iha Austrália. Hosi totál 2,545 ne'e, iha ona traballadór sazonál na'in-1,669 mak filafali ona mai Timor-Leste. Traballadór sazonál ne'ebé fila ne'e permite atu fila-hikas ba kontinua servisu depoisde fulan neen fila mai iha Timor-Leste, no empregadór Australianu sira iha preferénsia maka'as hodi haruka filafali traballadór sira ne'ebé antes-ne'e estadia ona iha Austrália no dezenvolveabilidade no adapta ho ambiente Australianu nian.

Eskema Autorizasaun Empregu Sulkoreanu

Iha tinan-2009 governu Sulkoreanu no governu Timor-Leste halo akordu ida atu emite Autorizasaun Empregu traballadór Timor-oan sira. Timor-Leste nia traballadór sira ne'ebé haruka ba Koreia ne'e elejível duni atu servisu iha área tolu: agrikultura, indústria sira ne'ebé liga ho fabriku, no peska. Traballadór sira ne'ebé nadodon ba Korreia Súl ne'e flutuante ona dézde tinan-2009 ho kúspide ne'ebé aas liuhotu (traballadór na'in-504) iha tinan-2015, no número sira ne'ebé tuun dézde tempu-ne'ebá.


Totál traballadór na'in-3,035 ne'e haruka ona ba Koreia Súl, ho número traballadór aas liuhotu ne'ebé emprega iha peska ho totál traballadór na'in-1,735, turkedas ho indústria fabrikasaun sira ho totál traballadór na'in-1,177. Hosi fulan Janeiru to'o Agostu 2018 número traballadór ne'ebé emprega iha fabriku mak na'in-77 enkuantu traballadór na'in-122 ne'e emprega iha fabrikasaun ne'ebé fora hosi totál traballadór na'in-199. Hosi fulan Agostu 2018 iha traballadór na'in-2,333 ne'ebé sei servisu hela iha Koreia Súl, enkuantu na'in-702 mak filafali ona mai Timor-Leste.



Fonte: SEFOPE, Agostu 2018

Remesa hosi traballadór sazonál

Remesa hosi traballadór sazonál sira iha Austrália atinji ona millaun USD3.1 iha tinan-2017 no millaun USD2.4 hosi fulan Janeiru to'o Agostu 2018. Ida-ne'e importante atu nota katak remesa hirak ne'ebé hatudu iha gráfiku iha-kraik ne'e bazeia ba auto-relatu hosi traballadór sazonál sira duké dokumentasaun sistemática ka obrigatóriu ka liuhosi intermediáriu finanseira sira.



Fonte: SEFOPE 2018

Total remesa hosi Koreia Súl liuhosi BNU iha tinan-2018 hosi fulan Janeiru to'o Juñu mak USD350,379.03. Tenki nota katak dadus ba remesa sira – liului ba tinan-2018 – difísil ona atu halibur no rekizita kooperasaun bootliu hosi instituisaun finanseira sira atu nune'e bele possilita anályze ne'ebé signifikativu.

Fulan	2017			2018		
	BNU (USD)	Western Union (USD)	Totál (USD)	BNU (USD)	Western Union (USD)	Totál
Jan	90,879.56	555,883.10	646,762.66	43,849.10	-	43,849.10
Fev	85,040.29	678,161.90	763,202.19	73,155.36	-	73,155.36
Mar	123,664.80	732,547.17	856,211.97	39,970.66	-	39,970.66
Abr	92,669.22	861,298.80	953,968.02	76,010.13	-	76,010.13
Mai	98,573.07	891,778.33	990,351.40	77,080.19	-	77,080.19
Juñ	195,297.35	864,691.17	1,059,988.52	40,313.59	-	40,313.59
Jul	62,723.35	863,436.53	926,159.88	-	-	-
Aug	35,599.01	-	-	-	-	-
Set	60,758.18	-	-	-	-	-
Out	53,095.96	-	-	-	-	-
Nov	40,286.05	-	-	-	-	-
Dez	72,396.26	-	-	-	-	-
Totál	1,010,983.10	5,447,797.00	6,458,780.10	350,379.03	-	350,379.03

Fonte: BNU Outubru 2018

Efeitu ne'ebé maihosí remesa, hamutuk hoabilidade no dezenvolvimentu lian wainhira iha rai-li'ur, signifika katak programa traballadór sazonál ne'e sai instrumentu ida ne'ebé poderozu tebes ba dezenvolvimentu ekonómiku no emprego.


Númeru traballadór Timor-oan sira iha programa Koreia ne'e atualmente tuun, enkuantu númeru traballadór sazonál ba Austrália ne'e rapidamente aumenta. Sei bele iha poténsia ba kreximento ne'ebé konsiderável iha programa rua ne'e hotu.

3. Korresponde oferta no demanda traballu

Korresponde traballadór nia oferta no demanda: Abilidade profisionál

Peskiza Empreza no Abilidade 2017 nian indika katak iha vaga 4,136¹⁰ iha momentu hala'o peskiza. Totál graduadu hosi sentru formasaun sira mak 1,632¹¹. Ida-ne'e hatudu katak oferta/fornesimentu graduadu sira ho abilidade profisionál ne'e insuficiente atu kobre demanda.

Iha mós inkompatibildade entre demanda no oferta traballu iha área abilidade balu. Nu'udar exemplu, demanda ba traballu iha venda ne'e barak liu oferta. Similarmente, oferta iha enjeñaria sivíl ne'e zero kompara ho demanda ne'ebé aas, ne'ebé signifika katak kargu sira iha área ida-ne'e labele prenxe. Iha sorin seluk, oferta traballu iha administrasaun ne'e meiu ne'ebé aas liu duké demanda.



Fonte: Sentru Formasaun, 2017 no ESS 2017


Korresponde oferta no demanda: Abilidade tersiária

Oferta traballu hosi kursu ensinu superiór sira supera dook liu demanda traballu. Iha oportunidade ne'ebé limitadu tebes ba graduadu foun sira atu hetan servisu. Iha graduadu universitáriu na'in-3,605 hosi universidade hitu iha tinah-2017 (DIT, ICR, IOB, Cannosa, UNITAL, UNPAZ, no UNTL) no iha de'it vaga 298 ne'ebé anunsia liuhosi meiu online hosi fulan Janeiru to'o Setembru iha tinan-2018 liuhosi ETANListServ. Vaga hirak-ne'e jeralmente reprezenta pozisaun ne'ebé disponível ho doadór nia programa sira duké governu no setór privadu nian, maibé sira fornese indikasaun abilidade iha

¹⁰ Survei Empreza no Abilidade 2017.

¹¹ Dadus hosi Sentru Formasaun 21.

demandá. Área estudu ne'ebé barakliu iha demanda mak ekonomia no finansa (inklui negósiu no kontabilidade) enkuantu ICT hatudu demanda ne'ebé limitadu tebes. Oferta no demanda hosi komunidade no pozisaun dezenvolvimentu internasional sira iha tendénsia atu korresponde malu.




Fonte: Jornal da República 2018, no ETANListServ 2018

Atu kompleta análise sobre oferta no demanda merkadu traballu nian, sei nesesáriu atu hetan dadus vaga servisu nian hosi setór públiku no privadu atu nune'e bele komprende panorama jerál kona-ba empregu iha Timor-Leste. Buka no monitora dadus parte demanda nian ne'e presiza habelar liután atu nune'e bele halibur informasaun barakliu kona-ba vaga sira. Ida-ne'e mós importante atu mensiona katak dadus parte oferta nian la inklui graduadu sira hosi rai-li'ur.

Gráfiku rua tuirmai ne'e hatudu oferta potensiál ba área prinsipál rua ba dezenvolvimentu iha Timor-Leste: hanorin, no indústria infraestrutura no konstrusaun sira. Okupasaun rua ne'e separadu hosi gráfiku iha-leten tanba demanda ba okupasaun hirak-ne'e la anunsia iha ETANListServ.

Iha tinan-2017 universidade sira prodúz totál graduadu na'in-543 iha tinan-2017 iha área sira hanesan língua Portugés (graduadu na'in-165), língua Inglés (graduadu na'in-118), Matemática (graduadu 109), Biolojia (graduadu 60). Ida-ne'e posível katak graduadu hirak-ne'e balu funzionáriu ezistente, no ne'eduni prenxe ona kargu sira iha demanda.

Universidade sira prodúz graduadu na'in-411 ba infraestrutura no konstrusaun hosi área estudo ne'ebé diferente, hanesan Enjeñaria Sivíl (234), Enjeñaria Petróleo (77), Arkitetura (54), Enjeñaria Eléctrica (35), no Enjeñaria Mekánika (11).



Fonte: *Jornal da República* 2018

4. Estudu kazu: Indústria Ospitalidade

Entre Jullu no Outobru, DNIMT kolabora ho TradeInvest atu hala'o Peskija Prokura Força traballau iha industria ospitalidade. Analize prokura forsa traballu ne'e bazeia ba informasaun ne'ebe fornese hosi empreza ospitalidade no investor future iha refere ne'ebe sei kria kampu traballu iha setor ospitalidade iha futuru oin mai.

Rejultadu inisiu hosi peskija ida ne'e sei apresenta iha eventu Atualizasaun Merkadu Traballu iha Novemburu 21, 2018. Rejultadu kompletu sei disponivel ho forma relatoriu ida ne'ebe sei publika hosi DNIMT no sirkula ba governu no industria ospitalidade. Iha esperansa maka's katak informasaun sira ne'e sei informa politika fomasaun forsa traballu no konsellu politika ba kresmentu setor ospitalidade iha Timor-Leste.

5. Rezumu

PIB La'os-Petroliferu fluktuvitivu iha tinan hirak liu ba no tuun iha 2017. Bazeia ba projesaun hosi World Bank, PIB La'os Petroliferu sei sa'e iha 2018 no 2019.

Dadus Census 2015 hatudu katak kresimentu populasau 2.2% no grupu idade servisu sa'e ba 3.2% kada tinan ho numberu 31,000 tama ba grupu idade servisu. Ida ne'e hatudu katak iha tinan 5 nia laran hau hosi 2016-2021 estimativa numeru 157,072 juventude mak tama ba grupu idade servisu.

Hosi Jeneiru ate Junu 2018, empreza ho total 1,594 mak rejistru ona iha SERVE.IP, maioria empreza iha atividade ekonomiku komersiu grossu no retallu, konstrusaun, alojamentu no servisu hahan.

Presija atu identifika dezafius no oportunidade atu asegura Timoroan hodi bele prienze iha okupasaun ne'ebe dadaun ne'e okupa hosi traballador estranjeiru, liliu okupasaun baziku sira. Iha mos oportunidade atu inkorpora politika substituisaun importasaun, liu hosi utilizasaun forsa traballu iha setor agrikultura ne'ebe dadaun ne'e produtu agrikultura importante hosi nasaun seluk.

Maske nasaun Timor-Leste haruka nia forsa traballu ba servisu iha rai liur hanesan Australia no Korea du Sul bazeia ba akordu, traballador estranjeiru mos tama no okupa iha pozisaun balun baziku tebes.

Dadus hatudu katak informasaun entre prokura no oferta merkadu traballu hosi instituisaun edukasaun universitariu no centru formasaun sira laiha balansu ho nesesidade empregu. Presija política ida ne'ebé adekuadu hodi bele rezolve ida ne'e.

Ba Informasaun liután kona-ba matéria sira iha boletín ida-ne'e, favór kontakta:

Jenifer António da Cruz Pui
Diretor, Diresaun Nasional Informasaun Merkadu Traballu
Sekretaria Estadu ba Formasaun Profissional no Empregu (SEFOPE)
Enderesu: Palácio das Cinzas, Eiz Edifício UNDP, Caicoli, Dili, Timor-Leste.

jeniferantoniopui@gmail.com ka liga ba +670 77188154